

Pepa Maliega a’o le’i Amata Galuega

O se vaega o le su’esu’ega a’o le’i amatalia galuega, o le a matou talosagaina oe e tali se faasologa o fesili. O le faamoemoe o le su’esu’ega a’o le’i amatalia galuega ina ia fetau lelei le tagata faigaluega fou ma galuega e talafeagai lelei mo i latou. O lea e matuā tāua ona e tali atu i fesili ma le matala ma le faamaoni, ina ia mafai ai ona matou tu’uina atu oe i le galuega e sili ona talafeagai. E leai ni fesili sa’o / sese, pasia / po o le le pasia

Auala o togafitiga: Su’esu’ega Faafomai Faaletino

Lamatiaga: Tigā i se vaega patino o le tino

E le gata i lea, o le a matou talosaga atu ina ia faatagaina i matou e fua lou malosia ma su’esu’e oe e ala i le gaoiga o so’oga ma maso.

E seāseā lava tupu, ae o nisi tagata ua lagona sina tigā i le vaega tino sa siakiina pe a uma le su’esu’ega.

E momoli atu le agaga faafetai mo lou auai mai. Afai e iai ni ou popolega po o ni fesili e faatatau i le su’esu’ega a’o le’i amatalia galuega, faamolemole talanoa ma le tautua a le Work Healthy Australia.

Ua ou faitauina ma ou malamalama i faamatalaga o loo i luga, e aofia ai lamatiaga e ono tula’i mai i lo’u auai i le su’esu’ega a’o le’i amatalia galuega. Ua ou taliina fesili uma ma le fa’amaoni. Ou te ioe e talia lamatiaga ua faailoa mai ma ou te tuuina atu lo’u maliega tusitusia ina ia faia e le tautua a le Work Healthy Australia le su’esu’ega a’o le’i amatalia galuega.

Ua fesiligia a’u pe iai ni a’u fesili e faatatau i le su’esu’ega a’o le’i amatalia galuega, ma afai sa iai ni fesili, ua taliina ia fesili e le tautua a le Work Healthy Australia.

Afai e mana’omia e se pule taufuafuaina, ou te tuuina atu lo’u maliega ina ia aoina le feau vai ma/po o le faua mo le faamoemoe o su’esu’ega o fualaau faasāina ma/po o le ‘ava malosia a’o le’i amatalia galuega. Ua ou faailoaina atoātoa atu vaila’au faafoma’i, fualaau faasāina, ma isi vaila’au po o mea e le mana’omia se talavai na ou faaogaina i totonu o le masina talu ai.

Ua ou maua se kopi o le Tulafono Faavae Tau Faalilolilo a le Work Healthy Australia, ma ou te ioe i le faaogaina ma le tausia o la’u faamatalaga patino e le

Work Healthy Australia e tusa ai ma lena Tulafono Faavae. E aofia ai auala e mafai ai e le Work Healthy Australia ona aoina ma faaaogā la'u faamatalaga patino, faapea ma le faalauiloaina atu o la'u faamatalaga patino i isi vaega ua faamaotiina i totonu o lena Tulafono Faavae.

Ona o le tiute tau tausiga (duty of care) o loo i ai i so'o se kamupani e tusa ai ma lo'u soifua maloloina ma lo'u saogalemu, e ono mana'omia ai le galulue faatasi a le tautua a le Work Healthy Australia ma tagata talafeagai i totonu o lenei faalapotopotoga. O lea ou te tuuina atu ai lo'u maliega ina ia mafai e le tautua a le Work Healthy Australia ona talanoaina, faailoa atu, pe faasoaina lo'u faatinoga faaletino i lenei iloilogā, faapea ma la'u faamatalaga tau soifua maloloina ma isi faamatalaga patino e talafeagai ma lo'u agavaa mo le galuega o loo fuafuaina i totonu o lenei faalapotopotoga, ma so'o se tasi o tagata nei o loo nafa ma lo'u tausiga faafomai po o lo'u saogalemu: isi foma'i ma auaunaga faafomai, aufaigaluega o le OHS, aufaigaluega a le HR, Aufaigaluega o le Toe Faaleleia, faapea supavaisa ma pule i totonu o lenei faalapotopotoga.